

TEHONNITIOHKWAKÉNNIES RAOTHIATÓNHSERA

RAIA'TAKWE'NÍ:IO NE TEHONNITIOHKWAKÉNNIES NE TIAONTARÍ:KON,
ENHIA'NIKONHRAIENTÁHTEN TSI NISAIANERENHSERÒ:TEN.

ENWÁ:TÓN KEN TENHSANITIONKWAKÉN:NI?

Aón:ton tasanitiohkwa-kén:ni entá:onk enhtshenná:rake tsi nón:we ratihsennarónnion tehonnitiohkwa-kén:ni tánon enhserihwá:é:rite éntshere tsi nikaianerenhsérò:ten nó:nen tehonnitiohkwa-kén:ni awenhnísera:

- Entá:on'k sha'té:kon iawén:re na'tensohseriia'kónhake;
- Entá:on'k Korahró:non nenshia'to'ténhake;
- Entá:on'k Tiaontarí:kon enhsi'terón:take ià:ia'k niwenhni:take nikari:we's.

EH TSHÉN:NARE KEN NE TEHONNITIOHKWAKÉNNIES RAOTHIATÓNHSERA?

Enwá:ton enhsátken'se ki:ken skátne tenhséra'né:ken ensahiatonhsérò:ta'se ne ratihsennarónnion, enhsié:na tsi tisanónhsote.

OH NÉNHSIERE TSI ENHSATATSHÉN:NAREN TSI NÓN:WE NIHATIHSENNARÓNION NE TEHONNITIOHKWAKÉNNIES?

Entá:on'k tsi thathiátónhkhwa iénhse enhshathiatonhseronniá:na, enhsatatshén:naren to'ka ó:ni ón:kwe ónhkak skátne seni:teron enwá:ton eniesahiatonhsérónnion.

Entá:on'k tekahiatonhsérà:ke entehsáhtka'we ia'ténhsiehste tsi sathiatonhsérón:ni; tóka'í:iah í:iah thahetiié:na.

Tiotierénhton kahiatonhséra

Tiotierénhton entá:on'k enhtshenná:rake tánon enwathró:ri kátke sennakerá:ton.

Tasate'nién:tenhst: Tsi iakaonnakerá:ton karihwahni:rats Tianontarí:kon teiontatsnié:tha aohiatónhséra, Korahnéha Teieristi:ia'ktha aohiatónhséra.

Tekeniháton kahiatónhséra.

Tekeniháton entá:on'k enhtshenná:rake tánon eniokén:ta'ne tsi ni sathia:ton tsi nón:we nihsi:teron.

Tasate'nién:tenhst: konwatoriehtákhwa aohiatónhséra, teiehtharákhwa tóka ó:ni ken'tonkwarà:ken tkakon'tsheraró:ron thonteniehtha

KA'NÓN:WE NIKANÓNHSOTE NE TSI THATHIATONHSERÓN:NI?

Tsi nihonathia:ton ne tsi thathiátónhkhwa tánon ne tsi niwenhniseró:ten tánon tsi nikahá:wi nó:nen kahnhotónkwen tho wathró:ri ensahiatonhsérò:ta'se ratihsennarónnion enhsié:na tsi tisanónhsote.

SHÉ:KON IENHSHONÁ:TI

Tóka íhsehre ahsatatsshén:naren ne ratihsennarónnion tóka ó:ni aonsahatikwatá:ko tsi nón:we nihatihsén:nare ne tehonnitiohkwa-kén:ni nó:nen enwató:kten tsi nikahá:wi shathiátónhsérón:ni, entá:on'k ia'tensenihtá:ren tsi thathiátónhkhwa ne tehsanikiohkwa-kén:ni. Eniesahró:ri kátke enhonterihwaténtia'te tsi nikahá:wi enhshahiatonhsérón:ni tánon tó:nihonathia:ton tsi nón:we enwaterihwáhtén:ti. Tsi nikari:wes, **né:k ne tehanikiohkwa-kén:ni ronhá:ak** enwá:ton enhathiatonhsérón:te.

IORIHOWÁ:NEN! Tsi iesatatsshén:naren ne ohén:ton tkahiatonhsérón tsi nikari:wes shatikwatákwás ne kahiatónhséra, í:iah tesarihwá:wi ne ohén:ton tasanitiohkwa-kén:ni, né:'e khók tsi nikahá:wi enhatihsennaró:roke tsi thathiát'ónhkhwa tánon tsi nikahá:wi tehonnikiohkwa-kén:ni.

KA'NON:WE TÁNÓN KÁTKE TENKANITIOHKWAKÉN:NI?

Tohkara nón:ta ohén:ton ne tehonnitiohkwa-kén:ni, ensahiatonhsérò:ta'se sehiahrahkwén:ni wathró:ris.akwé:kon nahó:ten teiontonhontsóhon ne tahsanitiohkwa-kén:ni ne wenhniserá:te. Ne ó:ni enhshié:na ne rathisennarónnion ne rotatsenninon:ton tahonráhtate tsi tewanitiohkwa-kén:ni ne sanakerahserá:kon.

INÓN :SHON KAHRHÁ :KON KANAKERAHSERAKÉ:RON KEN NÓN:WE SENAKÉ:RE?

Katokéhnston karihwahserón:ni ne tsi nikáien inón:sion enakerénion kanakerahserké:ron.

Ki katokéhnston karihwahserón:ni ne enwá:ton ne:

- Iasaténieht karihwahserón:ni ne aonsakawentákwén ne ratihsennarónnion ne tahonráhtate ne tewanitiohkwa-kén:ni, wathiatonhsérateniéhtha tsi iehsaténieht tsi ní:ions ne ensahiatonhsérónnihake;
- tasanitiohkwa-kén:ni ohén:ton tsi nón :we ne karákwén tehonnitiohkwa-kén:ni:ta kaké:ron;
- Iehsaténieht ne kahiatónhséra tsi wathiatonhsérateniéhtha ne sarákwén ónh:ka tahonráhtate tsi tewanitiohkwa-kén:ni.

Takwaró:ri tóka' ken iakoiénawá:se ne Kanakerahsera ki katokéhnston karihwahserón:ni taní' sátken's kawennarahsthá:ke ne «katokéhnston karihwahserón:ni ne inón:shon kahrhá:kon kanakerahseraké:ron».

IAH KEN THAÓN:TÓN TAHSANITIOHKWAKÉN:NI NE WENHNISERÁ:TE NE TEHONNITIOHKWAKÉN:NI?

TÓHKA NI:KON WATE'SHÉN:NAIEN!

- Enwá:ton ohén:ton tehsanitiohkwa-kén:ni tsi nón:we ne' karákwén tehonnitiohkwa-kén:ni:tha kaké:ron. Thi thonatenniéhthon saié:nen tsi sanónhsote tho wathró:ris ka'nón:we iensatatsshé:naren, tsi niwenhniseró:ten, tánon tsi nikahá:wi iotehhotónkwen.
- Enwá:ton teshanitiohkwa-kén:ni tsi thathiátónhkhwa ne raia'takwe'ni:io tóka' ó:ni tsi nón:we ne rotirákwén teionnitiohkwa-kén:ni:ta kaké:ron. Ne í:si non aesató:kenhse, ia'tsákens ne raia'takwe'ni:io rahiatónhkhwa tóka' ó:ni website sátken's.
- Tóka' áktenon nisanatahré:nen tsi senákere tsi náhe tewanitiohkwa-kén:ni enwá:ton tho tsi thathiátónhkhwa ne raia'takwe'ni:io ia'tehsanitiohkwa-kén:ni, tsi nikahá:wi ne wenhniserará:wén tánon ne enhsthsia'tará:ko tsi nón:we ne sanakerahsera thohorahthá:ton.
- Tsi ionterihwaienhstahkhwanionkhwa'kó:wa ó:ni kaké:ron ne teionnitiohkwa-kén:ni:ta kaké:ron.

TSI NI:IOHT TSI TENHSANITIOHKWAKÉN:NI?

Tiotierénhtakwen. Raia'takwe'ni:io ne tehonnitiohkwa-kén:ni enhatken'se tsi tshen:nare kahiatonhséra:ke ne tehonnitiohkwa-kén:ni.

Tekeniháton Enhathró:ri onhka ni:se tanonenhséna'ton:hahse ne sahiatonhséra tsi non:we nihtshen:nare.

Ahsenhaton Eniesahiatonhsérón tsi non:we nihatihsennarónnion ne tehonnitiohkwa-kén:ni.

Kaieriháton Ka'nerohko:ton tsi non:we sonhá:ak ienhsatien, enhsheia'tara:ko onhka íhsehre ahsheiatatsshennahrhahse. enhsieron:nitste ne kahiatonhséra enskak tsi non:we nikakahkwén:tare ne khok enhsatste tsi nika:ien enthathiatonhkwén ne ohén:ton irate teshata:sere raia'takwe'ni:io.

Wiskhaton No:nen tehsanitiohkwa-kén:ni:shsi, atehwahra'tsherakta niensehse.

Iahia:khaton Ka'nerohkwahronnion. Tho o'nerohkwakon ia'seta ne sahiatonhséra.

IORIHOWÁ:NEN:

Enhathró:ri onhka ni:se tánon enhséra'tón:hase ki sahiatonhséra:

- Tianontarí:kon teiontatsnié:tha kahiatónhséra;
- Tianontarí:kon konwatoriehtthakhwa;
- Kohrahnéha teieristi:ia'ktha;
- Tsi sonkwehón:we aohiatónhséra;
- Korahnéha ronthonkaria'ks aohiatónhséra.

KÁ:IEN KEN KAIANERÉNHSERA NE Ó:IA NÍ:IOHT TSI TAIONNITIOHKWAKÉN:NI?

Hen, ká:ien ne karihwahserón:ni tsi niakote'shennó:ten ne ón:kwe:

- Tóka' aktenon ne Quebec ieiakonatahré:nen;
 - Tóka' iakote'shennáksen akota'karitéhtshera aori:wa tánon ne teiesáhshnie ne skátne seni:teron;
 - Tóka' tsi teiontatsnié:tha, tsi iontiantákhwa ne ronwati'nikón:rare, tsi tiakotkwatakenháte ié:teron taní ne thoti:ions tsi rontientákhwa.
- Onhka kenh sheienté:ri ne'eh niakote'shennó:ten?

**Tsi níostó:re sheahronká:ten, ne tsi ó:nen'k tsi iostó:re
enhstatsshennínion'te tsi ní:ions ne tewennitiohkwa-kén:ni.**

TÓKA OTHÉ:NEN ÍHSEHRE AHSHERI'WANÓN:TÓN?

- Sátken's kawennarahsthá:ke www.elections.quebec
- Tasewatewén:nata : **1 888-ELECTION (1888-353-2846)**
- Email : info@electionsquebec.qc.ca